

# Kesedaran pekerja, majikan terhadap OSH semakin meningkat

**Shah Alam:** Tahap kesedaran pekerja dan majikan mengenai keselamatan dan kesihatan pekerjaan (OSH) di Malaysia semakin menunjukkan peningkatan dibantu oleh percambahan seminar berkaitan OSH.

Pengarah Pejabat Pengurusan Keselamatan dan Kesihatan Pekerjaan Universiti Putra Malaysia, Profesor Madya Dr Mohd Rafee Baharudin, berkata bagi manapun masih ada majikan beranggapan mereka boleh belajar sendiri mengenai OSH dengan menonton video atau membaca artikel di internet.

Katanya, sedangkan dari segi keberkesanan ia boleh dipertikaikan kerana tidak tahu kesahihan sumber yang dikongsiikan dan adalah lebih baik pergi ke seminar kerana boleh bertanya terus soalan yang tidak difahami kepada pakar OSH.

"Kerana itu, usaha MyFreeelys Academy menganjurkan Persidangan Keselamatan dan Kesihatan Pekerjaan Malaysia 2023 (MOSH-CON 2023) sesuatu yang amat wajar dan terpuji kerana membantu meningkatkan kesedaran pentingnya keselamatan dan kesihatan di tempat kerja serta mengurangkan kadar ke-

matian dan kemalangan dalam kalangan pekerja dan majikan di Malaysia.

"Cuma diharapkan jika boleh diperluaskan lagi seminar seperti ini ke luar bandar pada masa akan datang untuk memberi kesedaran kepada pekerja dan majikan di luar bandar pula.

"Hal ini kerana, untuk kita tahu sama ada tahap kesedaran OSH di sesebuah negara itu tinggi atau rendah, antara lain boleh ditukur dengan menilai tahap kesedaran pekerja dan majikan di luar bandar. Pada masa ini saya berasakan kesedaran di luar bandar masih belum tinggi dan perlu ditambah baik lagi," katanya.

Beliau berkata demikian ketika ditemui selepas menyampaiakan perkongsian bertajuk 'Penilaian risiko di tempat kerja' di MOSH-CON 2023.

Yang turut hadir, Ketua Pegawai Operasi MyFreeelys Academy, Simon Lau.

MOSH-CON 2023 ialah acara utama yang menghimpunkan pemimpin industri, penyokong keselamatan dan pengamal untuk berkongsi pengetahuan dan meneroka penyelesaian inovatif untuk meningkatkan keselamatan



Pengarah Urusan MyFreeelys Academy & Presiden Persatuan Majikan Perindustrian, Komersial & Servis Malaysia, YK Lai menyampaikan cenderahati kepada Baharudin (dua dari kanan) sambil disaksikan Simon dan Ketua Jabatan Keselamatan & Kesihatan Myfreeelys Academy, Hanis Aliaa Abd Hadi pada MOSH-CON 2023.

di tempat kerja.

## Cipta rekod JGBR

MOSH-CON yang julung kali dianjurkan oleh MyFreeelys Academy turut mencipta rekod kebangsaan Jalur Gemilang Book of Records (JGBR), iaitu perhimpunan terbesar di Malaysia oleh pengamal keselamatan dan kesihatan dengan memakai topi dan baju keselamatan.

Acara itu disaksikan oleh Timbalan Ketua Pengarah (Keselamatan Pekerjaan), Baharudin Matamat yang disertai lebih 140 pengamal keselamatan dan kesihatan pekerjaan yang diwakili pelbagai industri.

Mengulas lanjut, Dr Mohd Rafee berkata, OSH sebenarnya bu-

kan sahaja terpakai kepada mereka yang bekerja di bawah terik matahari.

"Ia membantu mencegah kemalangan industri dan penyakit pekerjaan daripada pelbagai sektor aktiviti antaranya pembuat, pembinaan, hotel dan resortan, pertanian, perhutanan dan perikanan, pengangkutan, penyimpunan dan komunikasi, perkhidmatan awam dan pihak berkuasa berkanun, utiliti, kewangan dan pemborongan dan perdagangan runcit.

"Ya kini dipertuahkan ke sektor informal seperti pemandu e-hailing, p-halling dan juga penghan-tar makanan," katanya.

Sementara itu, Simon berkata, dalam suasana semakin mence-

bar dan berubah dengan cepat, keselamatan dan kesihatan adalah isu yang semakin mendesak untuk diberi perhatian.

"Malaysia mencapai banyak kemajuan dalam bidang ini, tetapi kita masih berhadapan dengan pelbagai cabaran yang memerlukan tindakan berterusan.

"Justeru, saya ingin mengingati semua bahawa biarpun betapa pentingnya pengetahuan teknikal dalam memastikan tempat kerja yang selamat dan sihat, kita juga perlu memahami dan mengaplikasikan elemen ini secara taktikal kepada pekerja atau majikan supaya usaha kita dapat disampaikan dan dilaksanakan dengan jayanya di tempat kerja," katanya.